

О'zbekiston Respublikasi
Vazirlar Mankamasining
Qarori



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

«25 » апрель 2019 г.

№ 355

Toshkent sh.

**Ўзбекистон Республикаси Инновацион соғлиқни сақлаш
миллий палатасининг фаолиятини ташкил этиш
чора-тадбирлари тўғрисида**

Ўзбекистон Республикаси Президентининг «Ўзбекистон Республикасида соғлиқни сақлашни бошқаришнинг инновацион моделини жорий этиш чора-тадбирлари тўғрисида» 2018 йил 2 августдаги ПҚ-3894-сон қарорини ижро этиш юзасидан, шунингдек, аҳолига тиббий хизмат кўрсатишни тубдан яхшилаш, республика соғлиқни сақлаш соҳасини бошқариш тизимининг самарадорлигини ошириш, соҳага хорижий инвестицияларни фаол жалб қилиш, умумэътироф этилган ҳалқаро стандартлар ва инновацион технологияларни жорий этиш мақсадида Вазирлар Маҳкамаси қарор қиласди:

1. Ўзбекистон Республикаси Инновацион соғлиқни сақлаш миллий палатаси (кейинги ўринларда Миллий палата деб аталади) тўғрисидаги низом 1-иловага мувофиқ тасдиқлансан.

2. Белгилансинки:

Миллий палатанинг Қорақалпоғистон Республикаси, вилоятлар ва Тошкент шаҳридаги таркибий бўлинмалари ходимларининг (техник ходимлар бундан мустасно) чекланган умумий сони 265 нафари ташкил этади;

Миллий палата ва унинг Қорақалпоғистон Республикаси, вилоятлар ва Тошкент шаҳридаги таркибий бўлинмалари ходимларига тегишли равишда Ўзбекистон Республикаси Соғлиқни сақлаш вазирлиги марказий аппарати ва унинг ҳудудий идоралари ходимлари учун назарда тутилган моддий рағбатлантириш ва меҳнатга ҳақ тўлаш шартлари татбик этилади.

3. Миллий палата Тошкент шаҳри, Яшнобод тумани, Султонали Машҳадий кўчаси, 197-й манзили бўйича бепул фойдаланиш хуқуқи билан жойлаштирилсин.

4. Ўзбекистон Республикаси Молия вазирлиги:

2019 йилдан бошлаб Ўзбекистон Республикаси Давлат бюджети параметрларида “Соғлиқни сақлаш” тармоғи бўйича Миллий палата ва унинг Қорақалпоғистон Республикаси, вилоятлар ва Тошкент шаҳридаги таркибий бўлинмаларини сақлаш учун зарур маблағларни, шунингдек, етакчи хорижий ташкилотлар вакилларини эксперт жиҳатидан қўллаб-куватлаш учун жалб этиш бўйича Миллий палата харажатлари молиялаштирилишини назарда тутсин;

лойиҳа-смета хужжатларининг белгиланган тартибда ўтказилган экспертизаси ва Миллий палатанинг асосланган ҳисоб-китоблари асосида бинони капитал таъмирлаш ишларини амалга ошириш ва Миллий палатани компьютер ва бошқа техника, мебель, инвентар билан бирламчи жиҳозлашга зарур бюджет маблағлари ажратсин.

5. Миллий палата раиси бир ой муддатда ушбу қарор қоидаларидан келиб чиқиб Миллий палата таркибий бўлинмалари тузилмасини ва улар тўғрисидаги низомни тасдиқласин.

6. Вазирлар Маҳкамасининг 2016 йил 26 апрелдаги 180-ф-сон фармойишига 2-иловага мувофиқ қўшимчалар киритилсин.

7. Ўзбекистон Республикаси Ҳукуматининг 3-иловага мувофиқ айrim қарорлари ўз кучини йўқотган деб ҳисоблансин.

8. Ўзбекистон Республикаси Соғлиқни сақлаш вазирлиги манфаатдор вазирликлар ва идоралар билан биргаликда бир ой муддатда улар қабул қилган норматив-хукуқий хужжатларни ушбу қарорга мувофиқлаштирун.

9. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари А.А.Абдуҳакимов ва Ўзбекистон Республикаси Инновацион соғлиқни сақлаш миллий палатаси раиси Р.Ш.Изамов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2019 йил 25 апрелдаги
355-сон қарорига
1-илова

**Ўзбекистон Республикаси Инновацион соғлиқни сақлаш
миллий палатаси тўғрисида
НИЗОМ**

1-боб. Умумий қоидалар

1. Ушбу Низом Ўзбекистон Республикаси Инновацион соғлиқни сақлаш миллий палатасининг (кейинги ўринларда Миллий палата деб аталади) асосий вазифалари, функциялари, хукуқлари ва жавобгарлигини, шунингдек, фаолиятини ташкил этиш тартибини белгилайди.

2. Миллий палата республика соғлиқни сақлашини бошқаришга инновацион моделлар жорий этилиши учун масъул бўлган республика тиббиёт ва фармацевтика ходимларини бирлаштирувчи давлат ташкилоти хисобланади.

3. Миллий палата ўз фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, ушбу Низомга ва бошқа норматив-хукукий хужжатларга амал қиласди.

4. Миллий палата ўз фаолиятини давлат ва хўжалик бошқаруви органлари, хукуқни муҳофаза қилувчи органлар, маҳаллий давлат хокимияти органлари, подавлат нотижорат ташкилотлар, хорижий, халқаро ва бошқа ташкилотлар билан ўзаро ҳамкорликда амалга оширади.

Соғлиқни сақлаш масалаларига тааллуқли бўлган ишлаб чиқиладиган норматив-хукукий хужжатлар лойиҳалари Миллий палатада мажбурий экспертизадан ўтказилиши керак.

5. Миллий палатанинг фаолияти Ўзбекистон Республикаси Президентининг ислоҳотларни хукуқий таъминлаш ва хукуқни муҳофаза қилиш фаолиятини мувофиқлаштириш масалалари бўйича маслаҳатчисининг бўлинмаси ва Ўзбекистон Республикаси Бош вазирининг ижтимоий ривожлантириш масалалари бўйича ўринбосари котибияти томонидан мувофиқлаштирилади.

6. Миллий палатанинг расмий номи:

а) давлат тилида:

тўлиқ номи – Ўзбекистон Республикаси Инновацион соғлиқни сақлаш миллий палатаси, қисқартирилган номи – Инновацион соғлиқни сақлаш миллий палатаси;

б) инглиз тилида:

тўлиқ номи – National Chamber of Innovative Healthcare of the Republic of Uzbekistan, қисқартирилган номи – UzHealth;

в) рус тилида:

тўлиқ номи – Национальная палата инновационного здравоохранения Республики Узбекистан, қисқартирилган номи – Национальная палата инновационного здравоохранения.

7. Миллий палата юридик шахс ҳисобланади, Ўзбекистон Республикаси Молия вазирлиги Фазначилигига миллий валютада шахсий ғазна ҳисобварагларига, тижорат банкларида валюта ҳисоб рақамларига, Ўзбекистон Республикаси Давлат гербининг тасвири туширилган ва ўз номи давлат тилида ёзилган муҳрига эгадир.

2 боб. Миллий палатанинг вазифалари ва функциялари

8. Куйидагилар Миллий палатанинг асосий вазифалари ҳисобланади:

республика соғлиқни саклашини ривожлантириш стратегиясини, илгор халқаро стандартлар ва энг яхши жаҳон амалиётини ҳисобга олган ҳолда соғлиқни саклашини бошқаришнинг инновацион моделларини жорий этиш бўйича таклифларни ишлаб чиқиш;

замонавий клиник кўйлланмалар ва баённомалар, ташхис кўйиш ва даволаш сифат стандартлари, шунингдек, моддий-техник жихозлаш стандартлари ишлаб чиқилишини ташкил этиш, уларнинг ўз вақтида жорий этилиши устидан мониторинг олиб бориш;

тиббиёт статистикасини тўплаш ва таҳлил қилиш тизимини тақомиллаштириш ва ракамлаштириш, шунингдек, зарур статистик маълумотлар билан таъминлаш мақсадида иотўри статистик кўрсатгичлардан фойдаланиш имкониятига йўл қўймайдиган халқаро стандартлар ва усулларни жорий этиш;

республика врачлари ва провизорларини рўйхатдан ўтказиш тизимини жорий этиш, шунингдек, маълумотларнинг ягона электрон базасини шакллантириш ва юритиш;

халқаро стандартларга жавоб берадиган соғлиқни саклаш инфратузилмасини ташкил этишга, шунингдек, тиббиёт ва фармацевтика ташкилотларини замонавий ускуналар билан жихозлаш ва илгор ахборот-коммуникация технологияларини жорий этиш учун молиявий маблағларни жалб этишга ҳамда соғлиқни саклаш соҳасида янги ташкилотларни ташкил этишга кўмаклашиш;

тиббиёт ходимларининг нуфузини ва мамлакат соғлиқни саклаш тизимиға бўлган ишончни ошириш, тиббиёт ходимларига одоб-ахлоқ қоидаларини сингдириш, коррупция намоён бўлишига барҳам бериш ва унинг олдини олиш, шунингдек, тиббиёт ходимларининг касбий фаолияти устидан жамоатчилик назоратини таъминлаш чораларини кўриш;

тиббиёт ходимларининг касбий малакаси даражаси, шунингдек, улар фаолияти якка тартибда лицензияланишини жорий этиш оркали кўникмаларининг замонавий талабларга ва энг яхши жаҳон амалиётларига мувофиклиги мониторингини олиб боришнинг амалий тизимини йўлга қўйиш;

тиббиёт ходимларини тайёрлаш ва уларнинг малакасини ошириш тизимини такомиллаштириш, ушбу соҳага замонавий стандартларни жорий этиш, шунингдек, мамлакатга соғликни саклаш соҳасидаги юқори малакали хорижий эксперталар ва мутахассисларни фаол жалб қилиш, мамлакат мутахассислари ва эксперталарининг чет элда стажировкадан ўтишини ташкил килиш;

врач (тиббиёт)нинг хатолари, нотўғри ташхис қўйиш ҳолатларини камайтириш ва мамлакатимиздаги тиббиёт ташкилотлари фаолиятини ва ушбу соҳада энг яхши жаҳон амалиётларини чуқур ўрганиш асосида касалликларни даволаш бўйича амалий механизмларни ишлаб чиқиш ва жорий қилиш;

шу жумладан, тиббиёт ташкилотлари фаолиятини ташкил этиш ва назорат қилиш масалаларида энг яхши хорижий амалиётни мамлакат соғликни саклашини бошқариш тизимига мослаштириб жорий этиш, шунингдек, фуқароларнинг тиббий суғурталанишини жорий этиш борасидаги ташкилий-хукуқий асосларни яратиш;

хусусий хорижий инвестицияларни, энг аввало, тўғридан-тўғри инвестицияларни фаол жалб этиш мақсадида давлат-хусусий шерикликнинг самарали механизмларини ишлаб чиқиш ва мамлакат соғликни саклашига жорий этиш, шунингдек, хусусий соғликни саклаш тизимини жадал ривожлантириш;

соғликни саклаш масалалари бўйича хорижий (халқаро) тиббиёт ташкилотлари ва бошқа ташкилотлар билан ҳамкорликни йўлга қўйиш, шу жумладан, республика соғликни саклаш тизимига грант, кредит, донорлик ва бошқа маблағларни жалб қилиш мақсадида учрашувлар, музокаралар ва бошқа тадбирларни ташкил этиш, шунингдек, улардан мақсадли ва самарали фойдаланилиши устидан мониторинг олиб бориш ва назорат қилиш;

шу жумладан, бизнес режаларни ишлаб чиқиш йўли билан республика соғликни саклашининг хусусий тизимини ривожлантиришга инвестиция қўйиш масалалари бўйича потенциал инвесторларга, айниқса хорижий инвесторларга ахборот, маслаҳат, хукуқий ва бошқа ёрдам кўрсатиш, ташаббус кўрсатиладиган лойиҳаларни амалга ошириш учун молиялаштириш манбаларини жалб қилиш.

9. Миллий налата ўзига юкланган вазифаларни куйидаги функцияларни амалга ошириш йўли билан бажаради:

a) республика соғликни саклашини ривожлантириш стратегиясини, шетор халқаро стандартлар ва энг яхши жаҳон амалиётини ҳисобга олган ҳолда соғликни саклашни бошқаришининг инновацион моделларини жорий этиши бўйича таклифларни ишлаб чиқини соҳасида:

илғор халқаро тажрибани ва энг яхши жаҳон амалиётларини ўрганади ва республика соғлиқни сақлашини ривожлантиришнинг стратегик йўналишлари бўйича таклифлар, ривожлантириш дастурлари, лойиҳаларни ишлаб чиқади;

соғлиқни сақлашни ривожлантириш стратегиялари ва дастурларини амалга ошириш бўйича индикаторлар, кўрсаткичлар, усулларни, методологияларни ўрганади ва жорий этади;

соғлиқни сақалаш соҳасида илмий инновацион ишлар ва лойиҳаларни ўрганади ва самарадорлигини таҳлил қиласи, соғлиқни сақлаш соҳасида илмий ва инновацион фаолиятнинг долзарб, истиқболли ва стратегик йўналишлари бўйича таклифлар киритади;

илғор тажрибани ўрганиш ва республика соғлиқни сақлаш соҳасига жорий этиш бўйича илмий, илмий-амалий, ўқув, ишчи ва бошқа тадбирларни (симпозиумлар, конференциялар, кўргазмалар, ишчи йиғилишлар, давра сұхбатлари ва шу кабиларни) ўтказади;

илмий-методик, ўқув адабиётлари, статистик материаллар ва шакллар, ахборот брошюралари, кўргазмали кўлланмалар, тарқатма материаллар ва бошқа ахборот-босма материаллар, шунингдек, даврий маҳсулотларни нашр қиласи;

б) замонавий клиник қўлланмалар ва баённомалар, ташхис қўйиш ва даволаши сифат стандартлари, шунингдек, моддий-техник жиҳозлаш стандартлари ишлаб чиқилишини ташкил этиши, уларнинг ўз вақтида жорий этилиши устидан мониторинг олиб бориши соҳасида:

манфаатдор ташкилотлар билан биргалиқда тиббий стандартлаштиришнинг норматив-методик ва ташкилий асосларини, шу жумладан, клиник қўлланмалар ва баённомалар, клиник-ташкилий, клиник-иктисодий стандартлар, сифат менежменти стандартлари, сифатни бошқариш, хавфсизликни, моддий-техник жиҳозлаш тизимини, тиббиёт хужжатларини ва шу кабиларни ишлаб чиқади;

тиббиёт стандартлари ва нормативларини жорий этишда иштирок этади, ташкилий-методик ёрдам беради, консалтинг хизматлари кўрсатади, тиббиёт стандартлари ва нормативларини таомиллаштиришга йўналтирилган бошқа зарур тадбирларни амалга оширади;

айрим стандартлар ва нормативлар самарадорлигини таҳлил қиласи, уларни бекор килиш, алмаштириш ёки ишлаб чиқишнинг мақсадга мувофиқлиги хақида холосалар тайёрлайди;

халқаро стандартлар ва талабларга мувофиқ соғлиқни сақлаш муассасаларида сифатни бошқариш тизимлари экспертизасини жорий этади ва ўтказади;

ўкув дастурлари ва материалларни ишлаб чиқишида ва жорий этишда, шунингдек, тиббиёт валеологияси ва клиник стандартлаштириш масалалари бўйича малака ошириш ва қайта тайёрлаш курсларини ташкил этиш ва ўтказишида иштирок этади;

соғлиқни саклашнинг турли жиҳатлари бўйича ихтисослаштирилган тадқиқотлар ўтказади, таҳлилий шархлар ва маъruzалар тайёрлайди;

тиббиёт стандартлари ва нормативлари, клиник қўлланмалар ва баённомаларнинг электрон базасини яратишни, жорий этишни ва унинг доимий янгиланишини таъминлайди;

в) тиббиёт статистикасини тўпланиши ва таҳлил қилиши тизимини тақомишилаштириши ва рақамлаштириши, шунингдек, зарур статистик маълумотлар билан таъминлаши мақсадиди нотўғри статистик кўрсатгичлардан фойдаланиши имкониятига йўл қўймайдиган халқаро стандартлар ва усулларни жорий этиши соҳасида:

халқаро стандартлар ва методикаларни хисобга олган ҳолда ишончли тиббий-статистик маълумотлар тўплаш имкониятини таъминлайдиган тиббиёт статистикаси ва хужжатларининг илмий-методик, ташкилий ва амалий асосларини ишлаб чиқади;

манфаатдор органлар билан биргаликда тиббий-иктисодий маълумотларни тўплаш, таҳлил ва назорат қилишни ташкил қилиш учун ахборот тизимларини ишлаб чиқиши ва жорий этишда иштирок этади;

давлат органлари ва бошқа ташкилотлар томонидан Миллий палатага соғлиқни саклаш соҳасидаги зарур статистик маълумотлар тақдим қилиниши тартибини ишлаб чиқади;

соғлиқни саклашни бошкариш органлари билан биргаликда соғлиқни саклаш муассасаларида тиббиёт хужжатларининг замонавий интерфаол шакллари жорий этилишини, шунингдек, мулкчилик шаклларидан катъи назар барча субъектлар томонидан уларнинг юритилиши сифати устидан назорат қилинишини таъминлайди;

электрон хужжатлар айланиши ва соғлиқни саклашнинг миллий маълумотлар базасини ишлаб чиқиши ва жорий этишда иштирок этади;

тиббиёт хужжатлари, тиббиёт статистикаси, тиббий-иктисодий хужжатлар айланиши ва статистика, рақамлаштириш масалалари бўйича ўкув дастурлари, ўкув ва методик адабиётлар, шунингдек, соғлиқни саклаш соҳасида бошқа ўқитиш методикаларининг бошқа турлари ва дастурларни ишлаб чиқади ва жорий этади;

соғлиқни саклаш соҳасида зарур статистик маълумотларни давлат органлари ва бошқа ташкилотларга уларнинг сўровларига кўра тақдим қиласди;

г) республика врачлари ва провизорларини рўйхатдан ўтказиши тизимини жорий этиши, шунингдек, маълумотларнинг ягона электрон базасини шакллантириши ва юритиш соҳасида;

манфаатдор органлар ва ташкилотлар билан биргалиқда врачлар ва провизорларни давлат рўйхатидан ўтказишнинг норматив-хуқукий ва ташкилий асосларини ишлаб чиқади;

республика врачлари ва провизорларини давлат рўйхатидан ўтказади;

согликни саклаш соҳасида мутахассисларнинг миллий реестрини (маълумотлар базасини) ишлаб чиқади ва уларнинг юритилишини таъминлайди;

турли тоифалардаги фойдаланувчилар учун согликни саклаш соҳасида миллий реестрдан (маълумотлар базасидан) фойдаланиш регламентларини ишлаб чиқади;

д) ҳалқаро стандартларга жавоб берадиган согликни саклаш инфратузилмасини ташкил этишига, шунингдек, тиббиёт ва фармацевтика ташкилотларини замонавий ускуналар билан жиҳозлаш ва илгор ахборот-коммуникация технологияларини жорий этиши учун молиявий маблагларни жалб этишига ҳамда согликни саклаш соҳасида янги ташкилотларни ташкил этишига кўмаклашши соҳасида:

тиббиёт инфратузилмасини ташкил этиш ва согликни саклаш муассасалари фаолиятини ташкил этиш юзасидан согликни сакланни ривожлантиришнинг жаҳон тенденцияларини таҳлил қиласи;

согликни саклаш муассасалари тизимлари (тармоқлари)ни, мулкчиликнинг барча шаклларидаги тиббиёт ва фармацевтика ташкилотларини, уларнинг жихозланганлик ҳолатини, турли тиббиёт хизматларига, тиббиёт ва фармацевтика маҳсулотларига бўлган эҳтиёжни таҳлил қиласи;

янги тиббиёт ва фармацевтика ташкилотларини ташкил этиш, давлат ва хусусий муассасалар ўргасида тиббий хизматларни алохида худудларда оқилона тақсимлаш, жаҳон тенденциялари ва маҳаллий шароитларни ҳисобга олган ҳолда ракобат мухитини ривожлантириш бўйича таклифлар ва тавсиялар ишлаб чиқади;

ҳам тиббиёт максадларида, ҳам соғлом турмуш тарзини кўллаб-куvvватлаш учун қўлланиладиган тўқимачилик, озик-овқат, кимё ва бошқа маҳсулотларни ишлаб чиқариш бўйича технологиялар жорий этилишига кўмаклашади;

согликни саклаш соҳасига самарали инвестиция кўйилиши бўйича тавсияларни тақдим қиласи, шунингдек, турли долзарб ва талаб килинадиган ихтисосликлар бўйича согликни саклаш соҳасида мустакил ташкилотларни, шу жумладан, давлат-хусусий шериклик асосидаги ўрта ва олий тиббиёт таълим муассасаларини ташкил этади;

тиббиёт, фармацевтика ташкилотларини ва бошқа ташкилотларни таъсис этади;

таълим муассасалари ва маҳаллий давлат хокимияти органлари билан биргаликда болалар, ўсмирлар ва имконияти чекланган шахсларнинг таълим олишини яхшилаш бўйича таклифларни ишлаб чиқади ва дастурларда иштирок этади;

е) тиббиёт ходимларининг нуфузини ва мамлакат соглиқни сақлаш тизимига бўлган ишончи ошириш, тиббиёт ходимларига одоб-ахлоқ қоидаларини сингдириси, коррупция намоён бўлишига барҳам бериш ва унинг олдини олиш, шунингдек, тиббиёт ходимларининг касбий фаолияти устидан жамоатчилик назоратини таъминлаш чораларини кўриш соҳасида:

мулкчилик шаклларидан қатъи назар тиббиёт ташкилотлари ва тиббиёт ходимларининг фаолиятини ўрганади (молия-хўжалик фаолиятидан ташкари);

бошқа давлат ва нодавлат ташкилотлар билан биргаликда соглиқни сақлаш ходимларининг кадрлар салоҳиятини ривожлантириш ва касб даражасини оширишга йўналтирилган тадбирларда иштирок этади;

Миллий палата ваколатларига кирадиган масалалар бўйича жисмоний ва юридик шахсларнинг мурожаатларини кўриб чиқади;

республика давлат тиббиёт ташкилотлари рейтинги натижаларини Миллий палатанинг расмий веб-сайтида мунтазам равишда эълон қилади;

ж) тиббиёт ходимларининг касбий малакаси даражаси, шунингдек, улар фаолияти якка тартибда лицензияланишини жорий этиши орқали кўникумаларининг замонавий талабларга ва энг яхши жсаҳон амалиётларига мувофиқлиги мониторингини олиб боришиниң амалий тизимини йўлга қўйиш соҳасида:

соглиқни сақлаш соҳасида мутахассисларга қўйиладиган амалдаги талабларни таҳлил қилади ва замонавий малакавий, лицензион талабларини ишлаб чиқади;

соглиқни сақлаш соҳасида мутахассисларни лицензиялашнинг норматив-хуқукий базасини такомиллаштиришда иштирок этади;

замонавий талаблар ва энг яхши дунё амалиётларига биноан соглиқни сақлаш соҳасида мутахассисларнинг янги касб фаолияти стандартлари ва клиник стандартларни ишлаб чиқади, амалдагиларини таҳлил қилади;

з) тиббиёт ходимларини тайёрлаш ва уларнинг малакасини ошириш тизимини такомиллаштириши, ушбу соҳага замонавий стандартларни жорий этиши, шунингдек, мамлакатга соглиқни сақлаш соҳасидаги юқори малакали хорижий эксперталар ва мутахассисларни фаол жалб қилиши, мамлакат мутахассислари ва эксперталарининг чет элда стажировкадан ўтишини ташкил қилиши соҳасида:

соглиқни сақлаш соҳасида мутахассисларни тайёрлаш, қайта тайёрлаш ва малакасини ошириш бўйича муассасалар ва бўлинмалар тизимини (тармоғини) таҳлил қилади ва уларнинг фаолиятини такомиллаштириш бўйича методикалар ва тавсияларни ишлаб чиқади ва уларнинг жорий этилишини таъминлайди;

соғлиқни сақлаш соҳасида мутахассисларни чет элда малакасини ошириш ва қайта тайёрлашга бўлган эҳтиёжни таҳлил қиласи;

соғлиқни сақлаш соҳасида манфаатдор ташкилотлар ва эксперталар билан биргаликда, шу жумладан, хорижий эксперталар билан биргаликда қайта тайёрлаш ва малака ошириш максадларида чет элга чикадиган мутахассисларга кўйиладиган талабларни ишлаб чикади, иштирокчилар таркибини шакллантиради;

манфаатдор ташкилотлар билан биргаликда соғлиқни сақлаш соҳасида юкори малакали хорижий эксперталар ва мутахассислар реестрини шакллантиради, республиканинг тиббиёт ташкилотлари ва таълим муассасаларида фаолиятни амалга ошириш учун хорижий мутахассисларни танлайди ва таклиф қиласи;

кадрлар салоҳиятини ривожлантириш тадбирларини ташкил этишда иштирок этади, тўлов-контракт асосида соғлиқни сақлаш соҳасида турли ихтисосликдаги мутахассисларни, шунингдек, бошқа соҳалар ва тармоқларнинг ихтисосли мутахассисларини қайта тайёрлаш ва малакасини ошириш бўйича хизматлар кўрсатилишини ташкил этади;

и) врач (тиббиёт)нинг хатолари, потўғри ташхис қўйиши ҳолатларини камайтириш ва мамлакатимиздаги тиббиёт ташкилотлари фаолиятини ва ушбу соҳада энг яхши жаҳон аматиётларини чуқур ўрганиш асосида касаликларни даволаши бўйича амалий механизmlарни ишлаб чиқши ва жорий қилиши соҳасида:

врач (тиббиёт) хатоларини аниклади ва уларни камайтириш механизмларини такомиллаштириш ишларини таҳлил қиласи, тавсиялар, профессионал стандартлар, ўкув ва методик материалларни ишлаб чикади;

тиббиёт ходимларининг профессионал жавобгарлигини мажбурий сугурта қилиш тизимини жорий этиш йўли билан врач (тиббиёт) хатолари натижасида мижозларнинг соғлиғига етказилган зарарни қоплаш механизмини такомиллаштириш бўйича таклифларни ишлаб чиқади;

к) иш жумладан, тиббиёт ташкилотлари фаолиятини ташкил этиши ва назорат қилиши масалаларида энг яхши хорижий аматиётни мамлакат соғлиқни сақлашини бошқариши тизимига мослаштириб жорий этиши, шунингдек, фуқароларнинг тиббий сугурталанишини жорий этиши борасидаги ташкиший-хуқуқий асосларни яратиш соҳасида:

соғлиқни сақлашни бошқариш ва ташкил этиш тизимидағи илгор тажриба ва энг яхши хорижий амалиётларнинг тиббиёт ташкилотлари менежментини ўрганади, таҳлил қиласи ва мослаштиради;

норматив-хуқуқий базани ишлаб чиқишида ва такомиллаштиришда иштирок этади, соғлиқни сақлашни ташкил этиш ва тиббиёт ташкилотлари менежменти, шу жумладан, халқаро стандартлар асосида тиббиёт ташкилотларининг сифатни бошқариш тизимларини яратиш ва жорий этиш масалалари бўйича консалтинг фаолиятини амалга оширади;

тиббиёт стандартлари ва нормативларини жорий этиш юзасидан тиббиёт ташкилотлари фаолиятини, сифатни бошқариш тизимларини, соғлиқни сақлашни молиялаштириш бўйича янги моделларни, шу жумладан, мажбурий ва ихтиёрий тиббий суғурта килиш тизимлари жорий этилишини назорат килиш ва аудитдан ўтказишда иштирок этади;

мажбурий ва ихтиёрий тиббий суғуртани жорий этишда соғлиқни сақлашни бошқариш органларига кўмаклашади, мажбурий тиббий суғуртани босқичма-босқич жорий этиш дастурларини ишлаб чиқишида иштирок этади;

илғор хорижий тажриба асосида бепул тиббий ёрдам кўрсатишнинг кафолатланган ҳажми доирасида тиббий ёрдам кўрсатувчи барча даражалардаги тиббиёт ташкилотларини рейтинг баҳолаш методикасини такомиллаштириш бўйича таклифларни ишлаб чиқади, шунингдек, ушбу баҳолаш доимий асосда ўтказилишини таъминлайди;

1) хусусий хорижий инвестицияларни, энг аввало, тўгридан-тўери инвестицияларни фаол жалб этиши мақсадида давлат-хусусий шерикликнинг самарали механизмларини ишлаб чиқиши ва мимлакат соғлиқни сақлашига жорий этиши, шунингдек, хусусий соғлиқни сақлаш тизимини жадал ривожлантириши соҳасида:

давлат-хусусий шериклик соҳасида илғор хорижий ва маҳаллий тажрибани ўрганади, унинг хуқукий ва методик базасини такомиллаштиришда иштирок этади, хусусий тиббиётни ривожлантиришга кўмаклашади;

соғлиқни сақлаш соҳасида хусусий ва давлат-хусусий тузилмалар тармогини режалаштиришда ва шакллантиришда, шу жумладан, тиббий, сервис ва қўшимча ишларни бошқаришда (хизматларни кўрсатишда) иштирок этади;

м) соғлиқни сақлаш масалалари бўйича хорижий (халқаро) тиббиёт ташкилотлари ва бошқа ташкилотлар билан ҳамкорликни йўлга қўйиш, шу жумладан, республика соғлиқни сақлаш тизимига грант, кредит, донорлик ва бошқа маблагларни жалб қилиши мақсадида учрашувлар, музокаралар ва бошқа тадбирларни ташкил этиши, шунингдек, улардан мақсадли ва самарали фойдаланилиши устидан мониторинг олиб борииш ва назорат қилиши соҳасида:

ижтимоий соғлиқни сақлаш соҳасида аҳолининг соғлигини муҳофаза қилиш ва республика аҳолисининг фаровонлигини ошириш соҳасида халқаро ҳамкорлик қилиш бўйича тадбирларни ташкил қиласида ва ўтказади;

етакчи жаҳон рейтинг ташкилотлари билан ҳамкорлик қиласида ва республика тиббиёт ташкилотлари ушбу рейтингларга кириши юзасидан уларга ҳар томонлама ёрдам беради;

республика соғлиқни сақлаш тизимига грант, кредит, донорлик маблагларини ва бошқа маблағларни жалб қиласида;

Ўзбекистон Республикаси соғлиқни сақлаш соҳасида, шу жумладан, лойиҳаларни амлага ошириш учун ажратилган молиявий маблағлардан мақсадли ва самарали фойдаланиш бўйича қўшма ва халқаро лойиҳалар

амалга оширилишини назорат килиш ва мониторинг олиб бориш тадбирларида иштирок этади;

н) шу жумладан, бизнес режаларни ишлаб чиқши иўли билан республика соғлиқни сақлашининг хусусий тизимини ривожлантиришга инвестиция қўйини масалалари бўйича потенциал инвесторларга, айниқса хорижий инвесторларга ахборот, маслаҳат, ҳуқуқий ва бошқа ёрдам кўрсатиш, ташаббус кўрсатиладиган лойиҳаларни амалга ошириши учун молиялаштириши манбаларини жалб қилиш соҳасида:

тижорат асосида маркетинг тахлиллари ва тадқикотлар олиб боради, консалтинг фаолиятини амалга оширади, ташкилотларга, шу жумладан, хорижий ташкилотларга маҳаллий тиббиёт ва фармацевтика бозорини тахлил қилиш ва ўрганиш бўйича ахборот, ҳуқукий ва бошқа турда ёрдам кўрсатади;

соғлиқни сақлаш соҳасида инвестиция лойиҳаларини ишлаб чиқиша иштирок этади;

алоҳида худудлардаги мавжуд соғлиқни сақлаш муассасалари тармогини, жаҳон ва мамлакат соғлиқни сақлаш тизимини ривожлантириш тенденцияларини, мавжуд кадрлар салоҳиятини, мижозларнинг эҳтиёжларини ҳисобга олган ҳолда тиҷорат асосида давлат ва нодавлат тиббиёт ва фармацевтика ташкилотлари учун бизнес-режаларни ишлаб чиқади.

3-боб. Миллий палатанинг ҳукуқ ва мажбуриятлари

10. Миллий палата ўзига юкланган вазифалар ва функцияларни бажарииш учун қуидаги ҳукукларга эга:

Ўзбекистон Республикаси Вазирлар Маҳкамасига норматив-ҳукукий ҳужжатлар лойиҳаларини, шунингдек, Миллий палатага юкланган вазифалар ва функцияларни бажариш билан боғлиқ бўлган бошқа ҳужжатларни белгиланган тартибда киритиш;

Миллий палата ваколатига кирадиган масалалар бўйича давлат ва хўжалик бошқаруви органлари, жойлардаги давлат ва нодавлат ташкилотларнинг фаолиятини мувофикаштириш;

Миллий палата ваколатига тааллукли масалаларни таҳлил қилиш ва ҳал этиш учун зарур бўлган таҳлилий, статистик ва бошқа маълумотларни давлат ва хўжалик бошқаруви органлари, таълим, илмий ва ахборот-таҳлил муассасаларидан белгиланган тартибда сўраш ва олиш;

давлат тиббиёт ташкилотлари ва тиббий таълим муассасаларида кўрсатилаётган тиббий хизматлар сифатини, тиббий таълим турлари бўйича ўқув режалари ва дастурлар давлат таълим стандартларига, давлат талабларига ва малака талабларига мувофикалигини белгиланган тартибда текшириш;

Ўзбекистон Республикаси Соғлиқни сақлаш вазирлигининг ҳайъати мажлисларида ва бошқа йигилишларида иштирок этиш;

Миллий палата ваколатига тааллуқли бўлган масалалар бўйича идоравий мансублигидан қатъи назар соғлиқни сақлаш тизими ташкилотлари раҳбарларини, вазирликлар, идоралар ва бошқа ташкилотларнинг вакиллари ва экспертларини жалб қилиш ва ҳисботларини эшлиши;

соғлиқни сақлаш тизимини инновацион ривожлантириш билан боғлиқ масалаларни кўриб чикиш учун Ўзбекистон Республикаси Вазирлар Маҳкамасига, давлат ва хўжалик бошқаруви органларига, маҳаллий давлат ҳокимияти органларига киритиш;

Миллий палата фаолияти соҳасига тааллуқли бўлган масалалар бўйича тадбирлар ўтказиш, таҳлилий материалларни тайёрлаш учун олимлар ва мутахассисларни, илмий ва бошқа ташкилотларни белгиланган тартибда, шу жумладан, шартнома асосида жалб қилиш, ушбу мақсадлар учун эксперт гурӯхлари ташкил қилиш;

Миллий палатанинг Қорақалпоғистон Республикаси, вилоятлар ва Тошкент шаҳридаги таркибий бўлинмалари (кейинги ўринларда таркибий бўлинмалар деб аталади) раҳбарлари ва мутахассислари иштирокида амалий йигилишлар ўтказиш;

тиббиёт, фармацевтика ва бошқа ташкилотларнинг муассиси бўлиш; соғлиқни сақлаш соҳаси ходимларининг малакасини ошириш бўйича тўлов-контракт асосида хизматларни ва соғлиқни сақлаш соҳасида бошқа ўқув турларини ташкил қилиш;

Миллий палата ваколатига тааллуқли масалалар бўйича тиббиёт ходимларини, бошқа соҳа ва тармоқларнинг ихтисосли мутахассисларини тайёрлаш, қайта тайёрлаш ва малакасини ошириш бўйича таълим муассасаларига таклифлар киритиш;

Ўзбекистон Республикаси манфаатларини халқаро даражада белгиланган тартибда ифодалаш, шу жумладан, Миллий палата ваколатига кирадиган масалалар бўйича идоралараро шартномалар ва битимлар тузиш;

давлат ва халқаро илмий-техник дастурлар доирасида илмий тадқиқотлар олиб бориш учун грантлар, донорлик дастурлари олишга танловларда иштирок этиш;

халқаро молия институтларининг имтиёзли молиялаштиришини ва қарз маблагларини жалб қилиш;

ўзининг илмий ва инновацион фаолиятини амалга ошириш жараёнида ташкил қилинган интеллектуал мулк объектларига муаллифлик ҳукуқларини олиш ва улардан фойдаланиш;

аҳолининг декретирланган гурӯхлари, шу жумладан, фаолияти озиқ-овқат хомашёси, озиқ-овқат маҳсулотлари ва ичимлик сувни ишлаб чиқариш, сақлаш, ташиш ва сотиш, болаларни ўқитиш ва тарбиялаш, аҳолига коммунал ва майший хизматлар кўрсатиш билан боғлиқ бўлган шахслар учун ишлаб чиқариш санитарияси ва гигиеник ўқитиш бўйича пулли курслар ташкил қилиш;

қатъий ҳисобот бериладиган ҳужжатларни ишлаб чиқиши ва нусхасини кўпайтириш;

қонун ҳужжатларида белгиланган тартибда Ўзбекистон Республикаси Молия вазирлигининг Фазначилигида миллий валютада шахсий газна ҳисобваракларига, шунингдек, тижорат банкларида валюта ҳисоб рақамларига, тижорат банкларида Ўзбекистон Республикаси Инновацион соғлиқни сақлашни қўллаб-кувватлаш жамгармасининг миллий ва хорижий валюталардаги ҳисоб рақамларига эга бўлиш;

хўжалик фаолияти ёки бошқа фаолият натижасида олинган, Миллий палатага тегишли бўлган мулкка, интелектуал маҳсулотларга, даромадларга, шунингдек, қонун ҳужжатларида назарда тутилган бошқа асосларда сотиб олинган бошқа мулкка эгалик қилиш, улардан фойдаланиш ва уларни тасарруф этиш;

Миллий палата ва унга идоравий мансуб тузилмаларнинг давлат мулкини ўз ташкилий тузилмаси доирасида бепул фойдаланиш ҳуқуқи билан бир бўлинмадан бошқа бўлинмага белгиланган тартибда бериш;

белгиланган тартибда юридик ва жисмоний шахсларга пулли хизматлар кўрсатиш фаолиятини амалга ошириш;

белгиланган тартибда ноширлик фаолиятини амалга ошириш, даврий нашрлар чиқариш.

Миллий палата ушбу Низомга ва қонун ҳужжатларига мувофиқ бошқа ҳуқуқларга ҳам эга бўлиши мумкин.

11. Миллий палата:

Ўзбекистон Республикасида соғлиқни сақлашни бошқаришнинг инновацион модели жорий этилишининг стратегик мақсадларига сўзсиз эришилишини таъминлаш;

Миллий палата ваколатларига кирадиган масалалар бўйича ишлаб чиқилган таклифларнинг комплекслилиги, асосланганлиги ва амалий аҳамияти учун жавоб беради.

Миллий палата ва унинг мансабдор шахслари уларга юклangan вазифалар ва функциялар самарали амалга оширилиши учун жавоб беради.

4-боб. Миллий палата фаолиятини ташкил этиш

12. Миллий палатага Ўзбекистон Республикаси Бош вазирининг ижтимоий ривожлантириш масалалари бўйича ўринбосарининг тақдимномаси бўйича Ўзбекистон Республикаси Вазирлар Маҳкамаси томонидан лавозимга тайинланадиган ва лавозимдан озод қилинадиган раис бошчилик киласи.

Миллий палата раиси меҳнат, тиббий ва транспорт хизматлари кўрсатиш шартлари бўйича вазирнинг биринчи ўринбосарига тенглаштирилади.

13. Миллий палата раиси:

Миллий палата ва унинг таркибий бўлинмалари фаолиятига умумий раҳбарлик қиласи;

ҳар чоракда ўз фаолияти натижалари тўғрисида Ўзбекистон Республикаси Президенти Администрацияси ва Ўзбекистон Республикаси Вазирлар Маҳкамасига ахборот киритади;

давлат органлари ва ташкилотлари, илмий ва тадқиқот муассасалари, нодавлат нотижорат ташкилотлар, шунингдек, халқаро ташкилотлар билан ўзаро муносабатларда Миллий палатани ифодалайди ёхуд Миллий палата номидан ишончномалар ва ваколатлар беради;

ходимларнинг белгиланган сони доирасида штат жадвалини, шунингдек, белгиланган тартибда Миллий палата харажатлар сметасини тасдиқлайди;

Миллий палатанинг таркибий бўлинмалари ҳамда уларнинг тузилмалари тўғрисидаги низомларни белгиланган тартибда тасдиқлайди;

Миллий палата ва унинг таркибий бўлинмалари ходимлари томонидан бажарилиши мажбурий бўлган буйруқлар чиқаради ва кўрсатмалар беради;

ходимларнинг ваколатларини белгилайди, улар ўртасида вазифаларни ва уларнинг жавобгарлиги даражасини тақсимлайди;

Миллий палатанинг иш режалари ва бошқа ҳужжатларини тасдиқлайди;

таркибий бўлинмаларга юклangan вазифаларнинг бажарилишини назорат қиласи ва мувофиқлаштиради;

қонун ҳужжатлари талабларига мувофиқ хизмат сафарларининг асосланганлиги, самарадорлиги ва натижадорлигини, хизмат сафарлари учун ажратиладиган маблағлардан мақсадли ва окилона фойдаланишни таъминлаб Миллий палата руҳбарлари ва ходимларининг хизмат сафарларини амалга оширади ва ташкил қиласи;

Миллий палата номидан шартномалар, шу жумладан, меҳнат шартномалари тузади, Миллий палата ходимларини ишга қабул қиласи, бошқа лавозимларга ўтказади ва ишдан бўшатади;

Миллий палата номидан халқаро молия институтлари, хорижий ҳукумат молия ташкилотлари ва бошқа ташкилотлар маблағлари жалб қилинишини назарда тутувчи шартномалар ва бошқа ҳужжатларни, шунингдек, белгиланган тартибда соглиқни саклаш соҳасидаги лойиҳаларни амалга ошириш бўйича инвестиция битимларини тузади ва имзолайди;

Миллий палата ходимларини фаҳрий ёрликлар билан мукофотлаш масалаларини белгиланган тартибда хал қиласи, Миллий палатанинг алоҳида ўрнак кўрсатган ходимларини Ўзбекистон Республикаси фаҳрий унвонларини бериш ва давлат мукофотлари билан тақдирлаш учун тақдим қиласи;

Миллий палата ходимларини рагбатлантириш ва интизомий жавобгарликка тортиш масалаларини ҳал қиласи, шу жумладан, уларнинг кейинчалик эгаллаб турган лавозимларда колишининг мақсадга мувофиқлиги ҳакидаги масалаларни ҳал қиласи, уларнинг шахсий жавобгарлигини ошириш бўйича тизимли чоралар амалга оширилишини таъминлайди;

Миллий палата тизими ходимлари томонидан Миллий палата тизими ходимларининг одоб-ахлоқ қоидалари талабларига риоя қилинишини таъминлайди;

қонун ҳужжатларига мувофик Миллий палата фаолиятини амалга ошириш билан боғлиқ бўлган бошқа масалаларни ҳал қиласи.

14. Миллий палата раисининг ўринbosари Миллий палати раиси томонидан лавозимга тайниланади ва лавозимдан озод қилинади.

Раис ўринbosари:

Миллий палатанинг мутасаддилик қилинадиган бўлинмаларига бевосита раҳбарлик қиласи;

Миллий палата ҳузуридаги Ўзбекистон Республикасида соғликни саклашнинг инновацион моделини жорий этиш бўйича маслаҳат кенгаши қарорлари, раиснинг буйруклари ва топшириклари ўз вақтида ва сифатли ижро үтилишини таъминлайди;

Миллий палатага юклangan вазифалар ва функцияларнинг унга бириткирсан масалалар бўйича бажарилиши учун шахсан жавоб беради.

Раис вақтинча бўлмаган вақтда унинг вазифаларини бажариш раиснинг биринчи ўринbosарига юкланади.

5-боб. Миллий палата ҳузуридаги Ўзбекистон Республикасида соғликни саклашнинг инновацион моделини жорий этиш бўйича маслаҳат кенгаши

15. Соғликни саклашни инновацион ривожлантириш муаммоларини ҳар томонлама илмий таҳлил қилиш мақсадида Миллий палата ҳузурида Ўзбекистон Республикасида соғликни саклашнинг инновацион моделини жорий этиш бўйича маслаҳат кенгаши (кейинги ўринларда Кенгаш деб аталади) ташкил этилади.

Кенгашга Миллий палата раиси бошчилик қиласи ва у соғликни саклаш соҳасидаги ташкилотлар раҳбарлари ва мутахассислари орасидан шакллантирилади.

Кенгаш Миллий палатанинг соғликни саклашни бошқаришнинг инновацион моделини жорий этиш соҳасидаги фаолиятни мувофиқлаштириш бўйича маслаҳат органи ҳисобланади.

Кенгашнинг таркиби, ваколатлари ва фаолиятини ташкил этиш тартиби Миллий палата раиси томонидан тасдиқланадиган Кенгаш ҳакидаги низом билан белгиланади.

6-боб. Миллий палата ҳузуридаги Жамғарма фаолиятини ташкил этиш

16. Миллий палата ҳузурида юридик шахс ташкил этмаган ҳолда маблағлари тижорат банкларида миллий ва хорижий валюталарда маҳсус ҳисоб рақамларида жамланадиган Ўзбекистон Республикаси Инновацион соғлиқни сақлашни қўллаб-кувватлаш жамғармаси (кейинги ўринларда Жамғарма деб аталади) ташкил этилади.

17. Жамғарма фаолиятини бошқаришни Миллий палата раиси амалга оширади.

18. Раис Жамғарма фаолиятини бошқаришда:

Кенгашга Жамғарма маблағларидан фойдаланиш йўналишлари бўйича таклифлар тақдим этади;

кейинги молия йилига жамғарманинг даромадлари ва харажатлари сметасини тасдиқлаш учун, шунингдек, уларга ўзгартиришлар киритиш ҳакидаги таклифларни Кенгашга киритади;

Жамғарма фаолиятини Жамғармага юклangan асосий вазифалар ва функцияларга мувофиқ ташкил этади;

Жамғарма маблағларидан мақсадли ва самарали фойдаланилишини белгилangan тартибда текширишни ташкил этади, аникланган камчиликларни бартараф этиш бўйича зарур чоралар кўради;

ярим йилда камида бир марта Кенгашга Жамғарма маблағларидан фойдаланилганлиги ҳакида ҳисобот тақдим қилади;

Жамғарма маблағларидан самарали фойдаланиш ва тушумларни ошириш, шу жумладан, хорижий инвестицияларни жалб қилиш бўйича таклифлар тайёрлайди;

Ушбу Низомга ва бошқа қонун ҳужжатларига мувофик бошқа ваколатларни амалга оширади.

19. Миллий палата белгилangan тартибда Жамғарманинг даромадлари ва харажатлари юзасидан алоҳида ҳисоб ва ҳисобот юритади ва Ўзбекистон Республикаси Молия вазирлигига Жамғарма маблағларидан фойдаланганлиги ҳакида хар чоракда ҳисобот тақдим қилади.

Жамғарманинг даромадлари ва харажатлари сметасини тузиш қонун ҳужжатларида белгилangan тартибда амалга оширилади.

Жамғарма маблағларини шакллантириш ва улардан мақсадли фойдаланиш тартибига риоя килиш учун жавобгарлик Миллий палата раисига юкланди.

Жамғарма маблағларидан мақсадли фойдаланиш устидан назорат қилиш давлат молиявий назорати органларига юкланди.

20. Қуйидагилар Жамғармани шакллантириш манбалари ҳисобланади:

Ўзбекистон Республикаси Давлат бюджети маблағлари;

Врачлар ва провизорлар рўйхатдан ўтказилганлиги, шунингдек, уларнинг фаолияти лицензияланганлиги учун тушадиган маблаглар;

шартнома асосида пулли хизматлар қўрсатишдан ва бошқа хўжалик фаолияти амалга оширилганлиги учун тушадиган тушумлар;

Жамгарманинг вактинча бўш турган маблагларини тижорат банкларининг депозитларига жойлаштиришдан олинадиган даромадлар;

халқаро молия институтлари ва хорижий ташкилотларнинг грантлари;

жисмоний ва юридик шахсларнинг, Ўзбекистон Республикаси резидентлари ва норезидентларининг хайрия маблағлари;

қонун хужжатларида тақиқланмаган бошқа манбалар.

21. Жамгарма маблағлари қўйидагиларга йўналтирилади:

Миллий палата фаолиятини моддий-техник таъминлаш ва унинг ходимларини моддий рафбатлантириш;

халқаро стандартларга мувофиқ илғор тиббиёт ва фармацевтика ташкилотларини ташкил этиш, шунингдек, уларни замонавий ускуналар ва ахборот-коммуникация технологиялари билан жиҳозлаш;

замонавий клиник кўлланмалар ва баённомалар, ташхис кўйиш ва даволаш сифати стандартлари, тиббиёт ташкилотларини моддий-техник жиҳозлаш стандартлари ишлаб чиқилиши ва жорий этилишини ташкил этиш;

республиканинг тиббиёт ва фармацевтика ташкилотлари бинолари, иншоотлари ва бошқа инфратузилмаларини куриш учун қайтариб бериш ва имтиёзли асосларда маблағлар бериш, уларни замонавий ускуналар билан жиҳозлаш, шу жумладан, лизинг шартларнда жиҳозлаш;

тиббиёт ва фармацевтика ходимларини, шу жумладан, чет элда тайёрлани ва қайта тайёрлаш, шунингдек, республикада ўқитиши, малака ошириш ва тажриба алмашишни ташкил этиш учун хорижий мутахассисларни жалб қилиш билан боғлик бўлган харажатларни молиялаштириш;

республика врачлари ва провизорларининг ягона умум фойдаланувдаги электрон маълумотлар базасини ташкил этиш ва юритиш, шунингдек, замонавий ахборот-коммуникация технологияларни жорий этиш;

соғлиқни сақлаш соҳасида хайр-эҳсон фаолиятини амалга ошириш;

Миллий палатага юкландиган вазифаларни амалга оширишга йўналтирилган бошқа тадбирларни молиялаштириш.

7-боб. Миллий палата ходимларини моддий таъминлаш

22. Миллий палата ходимларини моддий таъминлаш Жамгарма маблағларини шакллантириш ва сарфлаш тартибига, шунингдек, Ўзбекистон Республикаси Молия вазирлиги билан келишган ҳолда Кенгаш томонидан тасдиқланадиган Миллий палата ва унинг таркибий бўлинмалари ходимлари меҳнатига ҳак тўлаш шартлари тўғрисидаги низомга мувофиқ амалга оширилади хамда Миллий палата ва унинг таркибий бўлинмалари

ходимларининг лавозим маошларига рағбатлантирувчи тусдаги ҳар ойлик устама ва қўшимча ҳақларни ўз ичига олади.

23. Миллий палата ходимларининг иш ҳақи лавозим маоши, мукофот пуллари, қўшимча ҳақ, устамалар ва қонун хужжатларида назарда тутилган рағбатлантирувчи тўловлардан иборат.

Миллий палата ва унинг таркибий бўлинмалари ходимлари учун, тегишли равишда, Ўзбекистон Республикаси Соғлиқни сақлаш вазирлиги марказий аппарати ва унинг худудий бўлинмалари ходимлари учун назарда тутилган меҳнатга ҳақ тўлаш ва моддий рағбатлантириш шартлари татбиқ этилади.

24. Ўзбекистон Республикаси Давлат бюджети маблағлари ҳисобига Миллий палата ва унинг таркибий бўлинмалари ходимларига куйидаги тўловлар тўланади:

лавозим маошига мувофиқ иш ҳақи;

давлат ҳокимияти ва бошқаруви органлари давлат хизматчилари учун назарда тутилган лавозим маошига ҳар ойлик 20 фоизли устама (меҳнатни рағбатлантириш коэффициенти);

бир йилда бир марта меҳнатга ҳақ тўлаш фондининг икки баравари микдорида мукофот;

бир йилда бир марта меҳнатга ҳақ тўлаш фондининг бир ойлиги микдорида моддий ёрдам;

йиллик меҳнатга ҳақ тўлаш фондининг 15 фоизи микдорида шакллантириладиган ходимларни моддий рағбатлантириш маҳсус фонди ҳисобига шахсий устамалар.

Миллий палата ва унинг таркибий бўлинмалари ходимларини моддий мукофотлаш ва рағбатлантириш бўйича бошқа харажатлар Жамғарма маблағлари ҳисобига амалга оширилади.

25. Миллий палата раиси фаолият самарадорлигининг энг юқори кўрсаткичларини таъминловчи ходимларга Миллий палатани таъминлаш учун ажратилган маблағлар ҳисобига бўшайдиган (фойданилмайдиган) маблағлар ҳисобига улар лавозим маошининг икки баравари микдорда шахсий устамалар белгилашга ҳақлидир.

8-боб. Миллий палатанинг ҳисобот бериши

26. Миллий палата раиси ўз фаолиятида Ўзбекистон Республикаси Президенти Администрациясига ва Ўзбекистон Республикаси Вазирлар Маҳкамасига ҳисобот беради.

27. Ўзбекистон Республикаси Президентининг ислохотларни хуқукий таъминлаш ва хуқуқни муҳофаза қилиш фаолиятини мувофиқлаштириш масалалари бўйича маслаҳатчиси бўлинмаси ва Ўзбекистон Республикаси Бош вазирининг ижтимоий ривожлантириш масалалари бўйича ўринбосари котибияти Миллий палатага юкланган вазифалар самарали бажарилиши

бўйича унинг фаолиятининг доимий мониторингини олиб боради, Миллий палата фаолияти самарадорлигини холисона баҳолайди.

28. Мониторинг ва фаолиятни баҳолаш якунларига кўра Миллий палатанинг мансабдор шахслари ва ходимларига нисбатан юклангандек вазифалар вижданан ва ўз вақтида бажарилганлиги учун рағбатлантириш ёхуд йўл қўйилган жиддий камчиликлар учун эгаллаб турган лавозимдан озод килишгача жавобгарликка тортиш чоралари кўрилади.

9-боб Якунловчи қоидалар

29. Миллий палатани қайта ташкил этиш ва тугатини қонуни ҳужжатларида белгиланган тартибда амалга оширилади.

30. Ушбу Низом талабларининг бузилишида айбдор бўлган шахслар белгиланган тартибда жавоб берадилар.

Вазирлар Маҳкамасининг
2019 йил 25 апрелдаги
355-сон қарорига
2-илова

**Вазирлар Маҳкамасининг 2016 йил 26 апрелдаги 180-ф-сон
фармойишига киритилаётган қўшимчалар**

1. Ислом Каримов номида “Тошкент” халқаро аэропортида алоҳида мухим йўловчиларга хизмат кўрсатиш зали тўғрисидаги низомга 1-рўйхатнинг 8-бандига қўйидаги мазмундаги 8.4-кичик банд қўшилсин:

“8.4. Ўзбекистон Республикаси Инновацион соглиқни сақлаш миллий палатаси раиси”;

2. Ўзбекистон Республикаси аэропортларида расмий делегацияларга хизмат кўрсатиш зали тўғрисидаги низомга 1-рўйхатнинг 5-бандига қўйидаги мазмундаги 5.17-кичик банд қўшилсин:

“5.17. Ўзбекистон Республикаси Инновацион соглиқни сақлаш миллий палатаси раиси”.

Вазирлар Маҳкамасининг
2019 йил 25 апрелдаги
355-сон қарорига
З-илова

**Ўзбекистон Республикаси Хукуматининг ўз кучини йўқотган
деб ҳисоблангаётган айрим қарорлари рўйхати**

1. Вазирлар Маҳкамасининг “Ўзбекистон Республикаси аҳолисининг соғлом овқатланиши соҳасида амалга оширилаётган чора-тадбирларни янада такомиллаштириш тўғрисида” 2015 йил 25 апрелдаги 102-сон қарори 8-бандининг тўртинчи хатбоши (Ўзбекистон Республикаси КХТ, 2015 й., 17-сон, 206-модда).

2. Вазирлар Маҳкамасининг “Жамият саломатлиги ва соғликни саклашни ташкил этиш илмий-тадқиқот институти фаолияти тўғрисида” 2017 йил 10 майдаги 266-сон қарори (Ўзбекистон Республикаси КХТ, 2017 й., 19-сон, 342-модда).

3. Вазирлар Маҳкамасининг “Вазирлар Маҳкамасининг “Жамият саломатлиги ва соғликни саклашни ташкил этиш илмий-тадқиқот институти фаолияти тўғрисида” 2017 йил 10 майдаги 266-сон қарорига қўшимча киритиш ҳақида” 2017 йил 18 сентябрдаги 735-сон қарори.

4. Вазирлар Маҳкамасининг “Ўзбекистон Республикаси Хукуматининг айрим қарорларига ўзгартиришлар киритиш, шунингдек, баъзи қарорларини ўз кучини йўқотган деб ҳисоблаш тўғрисида” (Ўзбекистон Республикаси Президентининг “Инновацион ривожланиш вазирлигини ташкил этиш тўғрисида” 2017 йил 29 ноябрдаги ПФ-5264-сон Фармони ва Ўзбекистон Республикаси Президентининг “Инновацион ривожланиш вазирлиги фаолиятини ташкил этиш тўғрисида” 2017 йил 30 ноябрдаги ПҚ-3416-сон қарори) 2018 йил 14 февралдаги 109-сон қарорига илованинг 12-банди.

5. Вазирлар Маҳкамасининг “Ўзбекистон Республикаси Хукуматининг айрим қарорларига ўзгартириш ва қўшимчалар киритиш, шунингдек, баъзи қарорларини ўз кучини йўқотган деб ҳисоблаш тўғрисида” (Ўзбекистон Республикаси Президентининг “Ўзбекистон Республикасининг ривожланиш давлат дастурларини шакллантириш ва молиялаштиришнинг янги тартибини жорий этиш тўғрисида” 2017 йил 18 декабрдаги ПҚ-3437-сон қарори) 2018 йил 13 мартағи 197-сон қарорига I-илованинг 9-банди.